



ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

06 հոկտեմբերի 2021 թվականի թիվ 153-Ա

ք. Երևան

«ՀԻԲԲԻԴ ՍՈԼՅՈՒՇՆԱՍ» ՍՊ ԸՆԿԵՐՈՒԹՅԱՆ ՆԿԱՏՄԱՍԲ ՀԱՐՈՒՑՎԱԾ ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով 2021 թվականի սեպտեմբերի 27-ին իր նախաձեռնությամբ հարուցված թիվ 49 վարչական վարույթի նյութերը՝ *պարզեց*.

2021 թվականի սեպտեմբերի 23-ին պետական մարմնի կողմից Հանձնաժողով ներկայացվել է տեղեկություններ (գրությունը Հանձնաժողով մուտքագրվել է 2021 թվականի սեպտեմբերի 27-ին) այն մասին, որ ցանցային օպերատորի գործունեություն իրականացնող «ՀԻԲԲԻԴ ՍՈԼՅՈՒՇՆԱՍ» ՍՊ ընկերության (այսուհետ՝ ցանցային օպերատոր) կողմից վերահաղորդվում են «Հիբբիդ ֆիլմ» և «Հիբբիդ Ռեստ» տեսալսողական ծրագրերը, որի շրջանակներում խնդրել է պարզել տեսալսողական մեդիայի բնագավառը կարգավորող օրենսդրության պահանջների խախտման փաստի առկայությունը:

Հանձնաժողով ներկայացվել են նաև ցանցային օպերատորի կողմից «Հիբբիդ ֆիլմ» և «Հիբբիդ Ռեստ» տեսալսողական ծրագրերի վերահաղորդման փաստը ապացուցող տեսաձայնագրություն:

Հանձնաժողովը ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով՝ 2021 թվականի սեպտեմբերի 27-ին ցանցային օպերատորի նկատմամբ հարուցել է վարչական վարույթ՝ հիմք ընդունելով պետական մարմնի կողմից իր իրավասության շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքերի մասին Հանձնաժողովին գրավոր տեղեկացնելու փաստը:

Հանձնաժողովը հարուցված վարչական վարույթի մասին 2021 թվականի սեպտեմբերի 27-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները, բացատրությունները և տեսալսողական ծրագրերի վերահաղորդման համապատասխան իրավական հիմքերը (պայմանագիրը):

Հարուցված վարչական վարույթի ընթացքում ցանցային օպերատորը 2021 թվականի սեպտեմբերի 28-ին վարչական վարույթի շրջանակներում Հանձնաժողով ներկայացրել է

գրավոր բացատրություն այն մասին, որ ցանցային օպերատորը վերահաղորդում է «Հիբրիդ ֆիլմ» և «Հիբրիդ Ռեստ» տեսալսողական ծրագրերը նշված տեսալսողական ծրագրերի իրավատիրոջ՝ «Հիբրիդ Փրոդաքշն Էնդ Դիսթրիբյուշն» ՍՊ ընկերության հետ կնքված պայմանագրի հիման վրա: Ցանցային օպերատորը ներկայացրել է նաև 2020 թվականի դեկտեմբերի 01-ին «Հիբրիդ Փրոդաքշն Էնդ Դիսթրիբյուշն» ՍՊ ընկերության հետ կնքված տեսալսողական ծրագրերի հեռարձակման իրավունքի տրամադրման պայմանագիրը:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

«Տեսալսողական մեդիայի մասին» օրենքի (այսուհետ՝ Օրենք) 10-րդ հոդվածի 3-րդ մասի համաձայն՝ ոչ սեփական տեսալսողական հաղորդումները կարող են հեռարձակվել միայն դրանց հեռարձակման իրավունքը հավաստող փաստաթղթերի առկայության դեպքում:

Օրենքի 49-րդ հոդվածի 1-ին մասի համաձայն՝ Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Հանձնաժողովի կողմից ուսումնասիրվել են վարչական վարույթի մասնակցի կողմից ներկայացրած փաստերը, որոնք համադրվել են վարչական վարույթի շրջանակներում ձեռք բերված ապացույցների հետ և «Տեսալսողական մեդիայի մասին» օրենքի խախտում չի հայտնաբերվել:

Այսպիսով, հաշվի առնելով այն փաստը, որ ցանցային օպերատորի կողմից «Հիբրիդ ֆիլմ» և «Հիբրիդ Ռեստ» տեսալսողական ծրագրերը վերահաղորդվում են իրավատիրոջ հետ կնքված տեսալսողական ծրագրերի հեռարձակման իրավունքի տրամադրման պայմանագրի հիման վրա, ուստի վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է, որ վարչական իրավախախտման դեպքի կամ կազմի բացակայության հիմքով ցանցային օպերատորի նկատմամբ հարուցված թիվ 49 վարչական վարույթը ենթակա է կարճման:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է վարչական տույժեր:

Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետով սահմանված է՝ վարչական իրավախախտման վերաբերյալ գործի վարույթը չի կարող

սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝

1) վարչական իրավախախտման դեպքի կամ կազմի բացակայությունը:

Վարչական իրավախախտումների վերաբերյալ ՀՀ օրենսգրքի 282-րդ հոդվածի համաձայն՝ քննելով վարչական իրավախախտման վերաբերյալ գործը, մարմինը (պաշտոնատար անձը) ընդունում է հետևյալ որոշումներից մեկը՝

1) վարչական տույժ նշանակելու մասին.

2) գործի վարույթը կարճելու մասին:

Գործի վարույթը կարճելու մասին որոշում ընդունվում է բանավոր դիտողություն հայտարարելու, նյութերը ընկերական դատարանի, ձեռնարկությունում, հիմնարկում, կազմակերպությունում և դրանց կառուցվածքային ստորաբաժանումներում ստեղծված՝ հարբեցողության դեմ պայքարի հանձնաժողովի, հասարակական կազմակերպության կամ աշխատավորական կոլեկտիվի քննությանը հանձնելու կամ դատախազին, նախաքննության կամ հետաքննության մարմնին հանձնելու դեպքում, ինչպես նաև սույն օրենսգրքի 247 հոդվածով նախատեսված հանգամանքների առկայության դեպքում:

Ելնելով վերոգրյալից և հիմք ընդունելով «Տեսալսողական մեդիայի մասին» օրենքի 10-րդ հոդվածի 3-րդ մասի, 49-րդ հոդվածի 1-ին մասի, Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի, 282-րդ հոդվածի դրույթները՝ **Հեռուստատեսության և ռադիոյի հանձնաժողովը *որոշեց***.

1. Կարճել «ՀԻԲԲԻԴ ՍՈԼՅՈՒՇՆՍ» ՍՊ ընկերության նկատմամբ հարուցված թիվ 49 վարչական վարույթը:

2. Սույն որոշումն ուժի մեջ է մտնում այն «ՀԻԲԲԻԴ ՍՈԼՅՈՒՇՆՍ» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀԻ ՊԱՇՏՈՆԱԿԱՏԱՐ՝**

Վ. ՕՉԱՆՅԱՆ

06 հոկտեմբերի 2021թ.

ք. Երևան



ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

06 հոկտեմբերի 2021 թվականի թիվ 154-Ս

ք. Երևան

«ՀԻԲԸԻԴ ՍՈՒՅՈՒՇՆՍ» ՍՊ ԸՆԿԵՐՈՒԹՅԱՆ ՆԿԱՏՄԱՍԲ ՀԱՐՈՒՑՎԱԾ ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով դիմումի հիման վրա 2021 թվականի սեպտեմբերի 14-ին հարուցված թիվ 12 վարչական վարույթի նյութերը՝ *պարզեց*.

2021 թվականի սեպտեմբերի 14-ին Հանձնաժողով մուտքագրված «ՎԻ ԷՍ ՏԵԼԵՊՐՈՋԵԲԹ» ՍՊ ընկերության (այսուհետ՝ դիստրիբյուտոր) դիմումում նշված է ցանցային օպերատորի գործունեություն իրականացնող «ՀԻԲԸԻԴ ՍՈՒՅՈՒՇՆՍ» ՍՊ ընկերության (այսուհետ՝ ցանցային օպերատոր) կողմից տեսալսողական ծրագիրն առանց պայմանագրային հիմունքների վերահաղորդելու փաստի վերաբերյալ:

Դիստրիբյուտորը 2021 թվականի սեպտեմբերի 14-ին Հանձնաժողով մուտքագրված դիմումով տեղեկացնում է, որ ՀՀ տարածքում տեսալսողական ծրագրերի վերահաղորդման ծառայություններ մատուցող ցանցային օպերատորի կողմից («ՋԻ ԷՆ ՄԻ ԱԼՖԱ» ՓԲ ընկերության ապրանքային նշանի ներքո՝ «Ռոստելեկոմ») առանց համապատասխան իրավական հիմքերի (պայմանագրի) իրականացվում է «Звезда HD» տեսալսողական ծրագրի վերահաղորդում և նշում է, որ ցանցային օպերատորը չունի որևէ թույլտվություն և/կամ համաձայնություն: Դիստրիբյուտորը նշում է նաև, որ իր և ՕАО "Телерадиокомпания Вооруженных Сил РФ"-ի միջև 2021 թվականի հունիսի 04-ին կնքված թիվ 284-21 պայմանագրի հիման վրա, դարձել է «Звезда HD» տեսալսողական ծրագրի դիստրիբյուտորը ՀՀ տարածքում:

Դիստրիբյուտորն իր դիմումում գտնում է, որ ցանցային օպերատորի կողմից թույլ է տրվել «Տեսալսողական մեդիայի մասին» օրենքի (այսուհետ՝ Օրենք) 49-րդ հոդվածի 1-ին մասի պահանջի խախտում, քանի որ առկա չէ «Звезда HD» տեսալսողական ծրագրի դիստրիբյուտորի հետ կնքված պայմանագիր և Հանձնաժողովին խնդրում է ձեռնարկել համապատասխան միջոցներ վերացնելու «Звезда HD» տեսալսողական ծրագրի անօրինական վերահաղորդումը և կիրառելու տվյալ խախտման համար սահմանված պատասխանատվության միջոցներ:

Հանձնաժողովը ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի ա) կետով և հիմք ընդունելով դիստրիբյուտորի դիմումը՝ 2021 թվականի սեպտեմբերի 14-ին ցանցային օպերատորի նկատմամբ հարուցել է վարչական վարույթ:

Հանձնաժողովը հարուցված վարչական վարույթի մասին 2021 թվականի սեպտեմբերի 16-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները, բացատրությունները և տեսալսողական ծրագրի վերահաղորդման իրավական հիմքերը:

Հարուցված վարչական վարույթի ընթացքում ցանցային օպերատորը 2021 թվականի սեպտեմբերի 22-ին Հանձնաժողով գրավոր բացատրություն է ներկայացրել այն մասին, որ չի վերահաղորդում «Звезда HD» տեսալսողական ծրագիրը:

Հանձնաժողովը ղեկավարվելով Օրենքի 32-րդ հոդվածի 1-ին մասի 14-րդ կետով և 42-րդ հոդվածով, համաձայն որի Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով և հիմք ընդունելով Հանձնաժողովի նախագահի 2021 թվականի սեպտեմբերի 23-ի թիվ 38-Ա հրամանը՝ իրականացրել է ցանցային օպերատորի մոտ մշտադիտարկում՝ տեղում դիտարկում իրականացնելու միջոցով:

Տեղում դիտարկում իրականացնելու արդյունքում 2021 թվականի սեպտեմբերի 24-ին Հանձնաժողովի կողմից կազմվել է արձանագրություն, համաձայն որի՝ ցանցային օպերատորի հեռարձակող կայանում ժամը՝ 12:00-ից ժամը՝ 12:30-ն ընկած ժամանակահատվածում իրականացված մշտադիտարկման արդյունքում պարզվել է, որ ցանցային օպերատորի կողմից չի վերահաղորդվում «Звезда HD» տեսալսողական ծրագիրը:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը՝ իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին, 3-րդ և 18-րդ մասերը սահմանում են .

«1. Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով: Ուղղակի դիտարկման արդյունքները կարող են համադրվել տեսալսողական հաղորդումների հաշվառման էլեկտրոնային մատյանների տվյալներին:

3. Տեսալսողական մեդիայի մասին օրենսդրության պահանջների խախտման վերաբերյալ տեղեկություններ ունենալու դեպքում օպերատորի գործունեության տեղում դիտարկումն իրականացվում է կարգավորող պետական մարմնի նախագահի հրամանի հիման վրա:

18. Մշտադիտարկման արդյունքների վերաբերյալ արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց»:

Հանձնաժողովի կողմից ուսումնասիրվել են վարչական վարույթի մասնակիցների կողմից ներկայացրած փաստերը, որոնք համադրվել են Հանձնաժողովի տեղում դիտարկման արդյունքներին և «Տեսալսողական մեդիայի մասին» օրենքի խախտում չի հայտնաբերվել:

Այսպիսով, հաշվի առնելով այն փաստը, որ ցանցային օպերատորի և դիստրիբյուտորի միջև չկա կնքված տեսալսողական ծրագրերի վերահաղորդման իրավունքի տրամադրման պայմանագիր, իսկ տեղում դիտարկման արդյունքում էլ պարզվել է, որ ցանցային օպերատորի կողմից դիմումում նշված տեսալսողական ծրագիրը չի վերահաղորդվում, ուստի վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է, որ վարչական իրավախախտման դեպքի կամ կազմի բացակայության հիմքով ցանցային օպերատորի նկատմամբ հարուցված թիվ 12 վարչական վարույթը ենթակա է կարճման:

Օրենքի 10-րդ հոդվածի 3-րդ մասի համաձայն՝ ոչ սեփական տեսալսողական հաղորդումները կարող են հեռարձակվել միայն դրանց հեռարձակման իրավունքը հավաստող փաստաթղթերի առկայության դեպքում:

Օրենքի 49-րդ հոդվածի 1-ին մասի համաձայն՝ Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետով սահմանված է՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝

1) վարչական իրավախախտման դեպքի կամ կազմի բացակայությունը:

Վարչական իրավախախտումների վերաբերյալ ՀՀ օրենսգրքի 282-րդ հոդվածի համաձայն՝ քննելով վարչական իրավախախտման վերաբերյալ գործը, մարմինը (պաշտոնատար անձը) ընդունում է հետևյալ որոշումներից մեկը՝

1) վարչական տույժ նշանակելու մասին.

2) գործի վարույթը կարճելու մասին:

Գործի վարույթը կարճելու մասին որոշում ընդունվում է բանավոր դիտողություն հայտարարելու, նյութերը ընկերական դատարանի, ձեռնարկությունում, հիմնարկում, կազմակերպությունում և դրանց կառուցվածքային ստորաբաժանումներում ստեղծված՝ հարբեցողության դեմ պայքարի հանձնաժողովի, հասարակական կազմակերպության կամ աշխատավորական կոլեկտիվի քննությանը հանձնելու կամ դատախազին, նախաքննության կամ հետաքննության մարմնին հանձնելու դեպքում, ինչպես նաև սույն օրենսգրքի 247 հոդվածով նախատեսված հանգամանքների առկայության դեպքում:

Ելնելով վերոգրյալից և հիմք ընդունելով «Տեսալսողական մեդիայի մասին» օրենքի 10-րդ հոդվածի 3-րդ մասի, 49-րդ հոդվածի 1-ին մասի, Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի, 282-րդ հոդվածի դրույթները՝ Հեռուստատեսության և ռադիոյի հանձնաժողովը **որոշեց**.

1. Կարճել «ՀԻԲԲԻԴ ՍՈԼՅՈՒՇՆՍ» ՍՊ ընկերության նկատմամբ հարուցված թիվ 12 վարչական վարույթը:

2. Սույն որոշումն ուժի մեջ է մտնում այն վարչական վարույթի մասնակիցներին պատշաճ ձևով հանձնելու օրվան հաջորդող օրվանից:

3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՑԻ
ՀԱՆՁՆԱԺՈՂՈՎԻ ՆԱԽԱԳԱՀԻ ՊԱՇՏՈՆԱԿԱՏԱՐ**

Վ. ՕՂԱՆՅԱՆ

06 հոկտեմբերի 2021թ.
ք. Երևան